

TE HŌHEURAA API

I neia i te piha neneiraa na te Ekalesia a Iesu Mesia i te Faia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 4.

Eperera 1931.

Mat. 25.

To Iosepha Mana Peropheta

(E tuatiraa teie nei parau.)

O teie ia te toru o te hoê mau haapiiraa i faaineinehia e te
Epitetopo Rahi no te mau Diakono; Ua faaauhia ei reô Tahiti e Etua.

I te haamataraa o te Matahiti 1838, a vai paruru-ore-hi-
a'i te hoê melo o te Ekalesia ia haere oia i roto i te matainaa
Iakesoni, Missouri, ua tohu Iosepha, e aó te hoê peresibutero
i te parau i te reira vahi hou te hopea o te avae Ditema.
I te 3 no Novema Matahiti 1838, ua rave tîhîhia Iosepha, e
vetahi atoa mau taeae, e te hoê orurehau, e ua afaihia i
Iakesoni, Missouri. I te poipoi Sabati aéra, e rave rahi te
taata tei haere na te purumu ia hió i teie Peropheta Mora-
mona, no te mea ua tae te parau apî no to'na tapearaahia ia
ratou. E rave rahi te mau uiraa ta ratou iui atu ia'na, e
ua pahono atura oia; ua rahi atu te taata, e hanare noa'tu
ra te taata tei putuputu mai, ua aó atu oia i te mau parau
matamua no te Evanelia ia ratou. Na roto i teie nei aóraa
ua faatupuhia ta'na ra tohuraa.

A tapeahia'i Iosepha ma i Liberty, na muri aé i ta ra-

tou mau tamataraa manuia ore ia tuuhia e te hau, ua haamano ratou i te ravea e ora rotou. Ua pure atu Iosepha i te Fatu mai te ui atu e, e tia anei Ia'na ia reva na roto atu i taua fare auri ra. Ua tae maira te pahonora; mai te mea ua tahoéhia raton ua tia ia haere ratou i taua pô ihora. Ua faaite Iosepha i te mau taeae ra, hinaaro ratou atoa, maori râ, o Limana Wight, i te haere, no te mea ua pâpû ia ratou te fafauraa. Ua faataupupu Limana, e aita to'na mau hoa i hinaaro i te vaiiho ia'na. Mai te mea ua tahoéhia ratou; o te parau ia a te Fatu, no reira ua opua ratou ia haere i te pô na muri aéra, e ua farii Limana i te reira; ua faufaa ore râ no te taupupu. I te pô matamua ta ratou i opua ia haere, ua tomo mai te taata tei haapao i te fare, tei afai mai i te maa, e ua vaiiho iriti-noa-hia te opani; i te pô na muri mai râ, e tootoru tei haere mai, e aita roa e ravea ia ora'i.

I te hoé mahana i roto i te avae Atete, i te matahiti 1842, ua haere Iosepha, e te hoé atoa mau taeae, mai Navu, Iliuoi i tera pae mai i te auavai Misisipi i Monatorose, Iowa. A faaea'i ratou i raro aé i te maru i te hoé fare, tei hamanihia ra, ua rave Iosepha i te haapaina pape, e i reira, hió atura oia i te tooá ó te râ, mai te parauraa e, e faaoromai noa te Feia Moá i te mau hamani-ino-raa e tae noa'tu i to ratou tiahiraahia'tu i te mau Moúa Ofai ra. Ua faahitihia teie tohuraa e pae matahiti hou te Feia Moá i ite ai i te peho ra o Roto Miti.

I te pae matamua o te matahiti 1843, e tiarepu rahi tei faatupuhia na te parau a te hoé taata, o Miller to'na ióa, o tei na ô maira e, e tae mai te Mesia e te mahana haavaraa i te mahana toru no Eperera. Ua tae mai te hoé mau taata apî, no Niu Ioka mai, ia farerei i te Peropheta i nia iho i te reira, e ua pahono atura oia e, eita te Fatu e tae mai ita-

ua ma
fenua
te hoé
mau r

I

Quine
galasa
faaite
hia e t
ahapa
toroa
tamaa
oe no
riu oe
maha
te par

nei pa

Ua tu

galasa

mauru

ma ei

oia ia

mau h

E

topu i

tage, I

pinia r

hoé po

te taat

Karata

paruru

Ioseph

Ua pol

to i to'

ua matahiti ra, e e tae noa'tu i te taime i faaineinehia te fenua no to'na faatereraa. Ua faaite oia ia ratoue, aita te hoé taata i ite, aita atoa te mau melahi o te raí, i te taime mau no to'na haereraa mai.

I te avae Me, matahiti 1843, ua haere Iosepha na roto i Quincy, Illinois, e ua anihia e te haava, o Setephano A. Dougalasa ia tamaa raua. I te ani-raa-hia mai o te haava, ua faaite atu Iosepha i te mau hamani-ino-raa i faaoromaihia e te Feia Moá i Misouri. Ia oti ta Iosepha parau, ua faahapa'tura Dougalasa i te tavana e te tahi atu â mau taata toroa mai te parauraa e, e au ia faautuahia ratou. Ia oti te tamaaraa, ua parau atu Iosepha ia Dougalasa, "E tamata oe no te peretiteneraa o te hau Marite. E mai te mea e, e fariu oe i to oe rima i nia iho i te Feia Moá, e ite oe i te teimaha o te rima o te Atua i nia iho ia oe, e e ora oe ia ite i te parau mau ta'u e faaite nei ia oe, e haamanaó noa i teie nei paraparauraa e tae noa'tu i te hopea o to oe ra oraraa." Ua tupu mau teie nei parau a te Peropheta. Ua fariu Dougalasa i to'na rima i iho i te Feia Moá, mai te manaó e, e mauruuru aé te rahiraa o te mau taata ia'na ia Aberahama ei peretiteni no te hau Amerita. I te M. 1860, ua vî râ oia ia Aberahama. Pohe atura oia mai te ite ore i to'na mau hinaaro i te faatupuraahia.

E toru ahuru e ma iva taime i tapeahia Iosepha, e i rotopu i teie mau hamani-ino-raa haere atura Iosepha i Karatage, Illinois, mai te parauraa e, "Te haere atu nei ua mai te pinia mamoe i te taparahiraa ra, ua mahoru râ vau mai te hoé poipoi nehenehe. Aore roa to'u aau i hara i te Atua, e i te taata atoa nei. A arataihia'i Iosepha ma i te tapearaa i Karatage, riro ohie aéra te mau tia i te mau orurehau mai te paruru ore ia Iosepha ma, e ua taparahi-pohe-roa-hia Iosepha raua to'na taeae o Hairamu i roto i te toto toetoe. Ua pohe oia mai te au i ta'na i ora ra, mai te hara ore i roto i to'na aau i te Atua, e i te taata'toa ra.

Te Tumu No Teie Ora Tahuti Nei

O te hoé tumu no te ora tahuti nei, ia roaa i to tatou mau varua e tino. Eita te taata e tae i te paari mau na roto i te varua anaé.

Ua faaitehia mai ia tatou i roto i te Buka Fafau 93:33, 34, ia tuatibia te varua e te tino e tiaí ia farii te taata i te íraa o te oaoa. Ua faaite-atoa-hia ia tatou, te varua e te tino te aaui ia o te taata. Buka Fafau 88:15.

E tino to te Metua i te ió e te ivi. Buka Fafau 130:22. Oia atoa to te taata nei. E mai te mea e riro te taata mai te Atua te huru ua tia ia'na ia farii i te tino ió e te ivi hoi.

E te tahi tumu rahi no te ora tahuti nei, ia roaa ia tatou te ite. Ua tae mai tatou i roto i teie nei ao mai te ite ore, no ô mai i to tatou parahiraa matamua, ia roaa ia tatou te ite.

Te ite i roaa ia tatou i roto i teie nei ora, e taman noa tatou i te reira i te tia-faahou-raa. E mai te mea na roto i te haapaoraa e te itoitioraa o te hoé taata e hanu aé to'na ite i to te tahi i roto i teie nei oraraa, e hanu aé atoa to'na ite i te ora i mua nei. Buka Fafau 130:18,19.

O te tumu toru tatou i haere mai ai i te ora tahuti nei, ia tamatahia tatou i roto i teie nei ao, ia itehia te huru mau o to tatou mau varua, mai te mea e haapao tatou i te mau mea i titauhia ia ô tatou i roto i te hanahana teitei roa ra. I roto i te buka a Aberahama 3:25, ua faaitehia ia tatou e, i roto i te apoora i te ao ra ua opuahia ia tono mai te taata ia tamatahia oia ia itehia e haapao anei oia i te mau mea atoa ta te Fatu, to tatou Atua, e faane mai.

I roto i to tatou aiá matamua ua ora tatou na roto i te ite, i roto i teie parahiraa oia hoi te aiá piti, te ora nei tatou na roto i te faaroo. No ô mai hoi i te Atua ra te faaroo i roaa mai ia tatou nei na roto i te haapao maitai.

Papaiahia e Rerani

TE OPANI RIÂRIÂ

I te hoé mahana ua itehia te tahi taata i te haereraa' tu i te opani o te hoé fare inu ava. E faito ta'na i roto i to'na rima, e ua haamata oia i te faito i taua opani ra. Ua na ô atura oia; "E toru ahuru initi e te afa te aano e e piti metera te roa."

Ua parau atu oia i te mau taata i roto i taua fare ra, ua na ô atura; "E piti metera te roa o teie opani e e toru ahuru ma toru initi e te afa te aano, e ere ia i te opani rahi. E fare to'u i mutaa ihora, ua tomo ra ia i roto i teie vahi na roto i teie nei opani. E rave rahi ta'u taehaa no te fare, ua tomo atoa te reira na roto i tena na opani. E moni ta'u i te fare moni, ua tomo râ na tena opani. E ere te reira anaé. E taata puai e te itoitoe vau i mutaa ihora, inauanei râ ua faaite te taote ia'u ua tomo to'u puai e to'u itoitoe na roto i tera opani. E taata apî vau, e ua faaturahia vau i teie nei râ, te parau nei te taata, e taata taero ava oia. Ua tomo to'u tura na tena opani. E aroha ta'u i mutaa ihora, aore ta'u vahine e ta'u mau tamarî i tai ia'u; mai te mahana mai râ i tomo ai au na tena na opani e rave rahi te taime i tai ratou ia'u. Ua tomo ta'u aroha na tena na opani.

E manaó to'u i mutaa ihora e ua ite au i te feruri. E rave rahi râ te taime i vai'ho hoi au i teie nei vahi e aore roa to'u e feruriraa. Ua hau to'u maua i to te puara. Ua tomo to'u feruriraa na tena na opani. Te manaó nei au te vai nei te mau mea tia, e te mau mea tia ore. Ua tia anei ta'u haamauaraa i ta'u moni? Ua tia anei ta'u haapiiraa ia vetahi e ra? Aita roa. Aore au i haapao i te parau a te varua tia. Ua tomo to'u oaoa na tena na opani. E rave rahi te taime i faarue au i teie nei vahi ma te himene. I roto roa râ i to'u aau, aore au i oaoa. I teie nei ra ua fiu roa vau i teie ohipa. Atira ia. Ia ora na. Eita vau e ite faahou i teie nei vahi. Ua faaore au i te inu ava i teie nei e a mu-

ri noa'tu, e eita van e otohe, na ite au ite faahitiraa i te parau "Aita' ia taparuhia mai au.

Ia oti ta'na parau ua fariu atura oia. Ua pii maira te hoé pae taata; "E mea tano hoi. E parau mau ta'na." No to ratou ra paruparu e to ratou ra matau i te faaroora i tei parauhia mai ia ratou, ua tomo ratou na roto i taua opani riária i roto i te fare inuraa ava.

—*Papaikia e Etua*

TE HURU NO TE EKALESIA MAU

O te poipoi Tapati teie. Te hinaaro nei oe ia haamori i te Atua. E rave oe i te vea Tapati e taió i te mau parau faaite no te mau haapaoraa êê, e hoé hanare tiahapa paha. Ia taióhia taua mau parau ra, te parau anaé ta oe e haama-naó, te parau ia na Paulo, "Ua amahamaha anei te Mesia?" I Kor. 1:13.

Aita roa te Mesia i amahamahahia. "E ere hoi te Atua i te tumu no te anoi noa." I Kor. 14:33. E parau râ oe, nahea e taa ia'u te Ekalesia mau a te Atua?

Mai te mea e, te hinaaro nei oe i te pahonoraa tia, te vai nei na ravea e piti e ite ai oe i te reira, oia hoi, a ani oe i te Atua ma te faaroo, ia faaite mai i ta'na Ekalesia, -Iak. 1:5-9 ei te ture e te parau ta oe e imi, -Isa. 8:20 ia ite oe i te mau tapao no te Ekalesia a te Atua.

Eaha te huru no te Ekalesia mau mai te faaitehia mai i roto i te Bibilia. Te vai nei na tapao e hoé ahuru ma piti tei ore i itehia i te tahi mau haapaoraa êê.

Te tapao matamua o taua Ekalesia, o te ióa ia. I ta Paulo papairaa i te Ephesia, ua papai oia e, "O te tane hoi to te vahine ra upoo, mai te Mesia atoa ra ei upoo ia no te Ekalesia." Ephesia 5:23. E e rave te vahine i te ióa o

e tane, mai te Ekalesia hoi i rave i te ióa o Iesu Mesia. No reira, a imi oe i te Ekalesia a Iesu Mesia. Te ióa māu ia o te Tamaiti o te Atua.

Te tapao piti ra; Te parauhia nei te mau melo i roto i taua Ekalesia ra, "Te Feia Moá." Mai te parauhia hoi i te Ekalesia a te Mesia ra.

Te tapao toru; E ere i to teie nei ao te Ekalesia mau a te Atua. E patoi ra te taata i te Ekalesia. Ua parau Iesu i te mau taata i pee ia'na ra, "E ririhia outou e te taata atoa no to'u nei ióa." Mataio 10:22. (A taió atoa te i parau no Paulo i te Ohipa 28:22.) E homa, teihea te Ekalesia i teie nei mahana, tei faainohia e tei patoibia? Te pahonora a te mau taata paari, Te Ekalesia a Iesu Mesia i te Feia Moá i te Mau Mahana Hopea Nei.

Te tapao maha no te Ekalesia mau; Aore te mau taa-ta maitai e te taata iino atoa e faarirohia ei melo i roto i taua Ekalesia ra. Mai te parau rà i papaihia. "Tataihoé ia'u e rave i to te oire hoé, e tataipiti hoi i to te opu hoé, e aratai ai au ia outou i Zion. (Ieremia 3:14.) E uana ô maira te Mesia, "te apiapi ia o te uputa e te piri hoi te eá e tae atu ai i te ora, e te iui hoi o te feia e ite atu i te reira." (Mat. 7:14). Te na reira nei te Ekalesia a Iesu Mesia.

Te tapao pae; Te faariro nei taua Ekalesia i ta'na mau melo mai tei au i papaihia i roto i te Bibilia. Oia hoi, ia faaroonu na muai te Mesia, te Tamaiti Fanautahi, ia tatarahapa i te mau hara ma te aau haehaa, e eiaha e rave faahou i te reira mau hara. Ia Bapetizohia i roto i te papeia matura i te hara, mai te Mesia ra i bapetizohia. (Mat. 3:13-17.) E te tuuraa rima no te fariiraa mai i te Varua Maitai, e te faariroraa ei melo no te Ekalesia. Te haapiiraa tera no te Bibilia e no te Ekalesia a Iesu Mesia hoi. Na roto i te faaroo e ite tatou i te Mesia, na roto i te tatarahaparaa e fariu tatou ia'na, na roto i te bapetizoraa e farii tatou la'na, e na

roto i te tuuraa rima e farii tatou i To'na Varua. (Taió i te Ohipa 8:9-19.)

Te tapao ono; Tei roto i te Ekalesia mau te mau toroa mai to te Ekalesia a Iesu i mutaa ihora, oia hoi, te mau aposetolo, te peropheta, te mau orometua, te mau haapii e te mau tanturu. (Hiroa Faaroo numeru 6.) "Ua tuu hoi te Atua i te Aposetolo i roto i te Ekalesia, o mua ia, e te piti ra, e peropheta, te toru ra e haapii ia. (I Kor. 12:28).

Te tapao hitu; Hoé â te faatiaraa e te faatereraa i te Ekalesia a Iesu Mesia i teie nei tau e mai tei papaihia i roto i te Faufaa Apî. Te vai nei te mau Aposetolo e te mau Peropheta tei aratai i te Ekalesia na roto i te heheuraa e te tohuraa. I raro aé ia ratou ra te vai nei te Epitetopo tei tanturuhia e te Deacono, te Haapii e te Tahuá i te faatereraa i te mau amaa. E tanturu te Hitu Ahuru, e te Peretiputero, e te Tahuá Rahi i te tino Aposetolo ahuru ma piti, e te Peretiteniraa, i te poro-haere-raa i te Evanelia.

Te tapao vau; I roto i te Ekalesia mau, e maitihia te feia toroa na roto i te heheuraa. Te haapii nei te Bibilia ia na reirahia te maitiraa o te feia toroa. Na ô mai Paulo, "Aore roa e taata e rave noa i teie hoi tura no'na iho, ma'ori râ o te parauhia e te Atua, mai ia Aarona ra." (Heb. 5:4) E mea nafea to Aarona maitiraahia? Ua maitihia Aarona e te Atua na roto i te Peropheta ra o Mose. (Exo. 4) Te na reira nei hoi te Ekalesia a Iesu Mesia.

Te tapao iva; I roto i te Ekalesia mau te vai nei te Autahúaraa Moá. Ua horoahia mai taua mana ra ia Iosepha Semita raua o Olive Tandere e Petero, e Iakopa, e Ioane i te matakiti 1829. Ua faatoroahia raua i taua Mana Moá ra e ua horoahia' tu taua mana i te mau Aposetolo ra. No reira mai tereira mana e tae noa mai i teie mau mahana nei.

Te tapao ahuru; Te haapii nei te Ekalesia i te parau

mau
taata
i tuuk
e te a

mau
Maita
pa êê
rua M
haam
te Va

atu.

ro, e
pii hu
e ia i
hoie
atoa.

ia e a
hua't

F
mau
Ekale
teiem
Mesia

Ua tu
ratou

mau no to tatou Faaora, e no te Varua Maitai, te hiāraa o te taata, te tia-faahou-raa mai, te haavaraa mure ore, te tumu i tuuhia'i te taata i nia iho i te ao nei, e te hopea no te taata, e te mau haapiiraa atoa i papaihia i roto i te Buka a te Atua:

Te tapao ahuru ma hoé; Te farii nei te Ekalesia i te mau haamaitairaa, e te mana, e te hanahana no te Varua Maitai. Te arataihia nei te feia faatere i ta ratou mau ohipa êê na roto i te mau haamaitairaa e te heheuraa no te Varua Maitai. Te faaorahia nei te feia maí, te arataihia e te haamaramaramahia nei te feia atoa tei faaroo i te reó iti o te Varua ra. (Taió i te Kor. 12.)

Te tapao ahuru ma piti; Eita te Ekalesia mau e faaino atu. Te haamori nei matou mai te au ita matou iho hinaaro, e e faatia matou ia na reira atoa te mau taata atoa. E pii hua'tu râ te mau tavini no te Atua, ei hau to teie nei ao, e ia ite-au-hia mai te taata nei, aore ratou e faaino, e aore hoi e tahitohito. E hamani maitai râ ratou i te mau taata atoa. E haamarû ratou i te aau o tei oto, e faaitoito i te feia e aau paruparu to ratou, e haamaitai i te feia maí, e pii hua'tu i te taata hara ia tatarahapa ratou.

E homa, te vai anei i roto i to outou mau Ekalesia te mau tapao e ahuru ma piti? Mai te mea e, aita, e ere ia te Ekalesia mau a te Mesia. Aore e hoé Ekalesia i te ao nei i tei mau tapao e ahuru ma piti, maori râ te Ekalesia a Iesu Mesia i te feia Moá i te Mau Mahana Hopea Nei.

Papaihia e Harave

Te Mau Parau Apî

E TORU TINITO I POHE I TE AUAHI

Ua pohe roa te vahine ruau, e è toopiti tamarî i te auahi. Ua tutuihia to ratou fare e te hoé iore ura tei horo i roto i to ratou fare, e ua paapaa ihora te fare.

Na toopiti tamarīi i haru i teie iore e ua faarari raua i te reira i te mori arahu e tutui i hora i te iore i te auahi, e no to'na mauīui ua horo atura te iore i nia iho i te roī o taua vahine ruau ra, e ua paapaa i hora te fare.

E 25 TAATA I ROOHIA I TE ATI

Te panu noa ra e 25 taata ravaai i nia iho i te hoé tufaa pape paari i nia iho i te Roto Erie e toru maile i te fenua ra. Te peapea ra ratou no te mataī e te mau are rahi ia haapararihia taua pape paari ra.

Ua tonohia e toru poti ia tauturu ia ratou. No te mataī rahi râ ua afai-atea-hia'tu te mau taata i te fenua. Parari atura te pape paari e ua ora maira toomaha taata i te fenua, te toea râ, ua panu noa'tu ratou i mua i te mataī rahi ra.

Te tapitapi noa ra te mau taata i te fenua. E tae anei teie mau taata i te mau poti na mua aē i to ratou pohe-roa-raa. Ua manaōhia e ono initi te meumen o taua pape paari ra.

E OHIPA API TA TE FARE PAOTIRAA ROURU

E roaa mai te mau mea atoa i te taata a tiaī ai oia i roto i te fare paotiraa rouru i te oire i Pari. Ua haaputu te taata paoti rouru i te mau ohipa huru rau mai te gitara e te ukerere te huru no te mau taata te hinaaro e faatai, a tiaī ai ratou ra.

E mea pinepine te taata tei hinaaro ia paotihia to'na rouru, te tomo i roto i teie huru fare, e tei faatai i taua mau mea ra.

Te na ô maira te hoé mau taata, aore roa ratou i maururu mai te mea aita ta te taata paoti rouru e ohipa, no te mea aita ia ta ratou e taima no te faatairaa. Te na ô maira te taata paoti rouru, ua rahi roa ta'na ohipa no te hooraa i teie mau mea ra.

E VAA TAHITO HOI

No te maroraa o te hoé anavai i Amerika o tei parauhia Kaskaskia, ua itehia te hoé vaa no te anotau tahito e te tahi taata. Ua hamanihia teie vaa no te hoé tumu raau. E toru aburu avae teie yaa i te roa, e e piti avae to'na aano. Te vai nei e piti apoo i roto i teie vaa mai te itehia i roto i te mau vaa tahito no te Inidia ra.

E PAHI API MAI

Ua tae mai te hoé pahi apî no Zane Grey' o "Fisher-man II" to'na ióa. Te vai nei e toru poti uira i nia iho i taua pahi ra. O Zane Grey ia te fatu no te pahi "Marshall Foche" i te matamua.

UA REVA NA OROMETUA TOOPITI

Ua reva na Orometua Momoni na nia iho i te pahi o Monowai i te fenua Marite. O Etua e o Lito to raua na ióa. Ua fatata roa e toru matahiti to raua faaeearaa i ó nei.

E 254 MAILE I TE HORA

I te fenua Amerika, na te hoé taata Baratani o Malcolm Campell e 46 to'na matahiti i faahoro i to'na pereoo e 245 maile i te hora hoé. E ofatiraa teie i te hororaa i mutaa ihora.

E piti taime to'na faahororaa i to'na pereoo rahi 1,450 puaahorofenua. Ua hau atu to'na hororaa e 14 maile i ta tei roaa i te rê hopea, e oia te taata matamua i haere e maha maile i te miniti i nia iho i te fenua.

Ua roaa te rê hopea ia Sir. Henry Segrave i te matahiti 1929 e 231 maile ia i te hora. No te fenua Baratani atoa oia, ua pohe râ oia.

I to Campbell haereraa matamua ua tahorahia oia e e

246 maile i te hora, e te piti o te taime e 244 i te hora. No-a'tu aita te purumu i maitai roa e aore roa to'na pereoo i pahee i te hoé taime.

I te faaotiraa uà faaite mai oia, aita roa oia i mauruuru no te huru ino o te purumu. Te na ô mai nei oia, e mea puia roa'tu to'na pereoo i te reira.

UA PAU I TE AUAAHI

Ua pau te tufaa ohipa o te oire ra Buenavanutra i Marite, i te auahi, e ua manaóhia e 5,000,000.00 tara moni Marite i pau ra. Ua pau te tahi mau fare moni, e te tahi mau fare haaputuraa taihaa, e te fare reta, e te fare taniuniuraa Ua pau atoa e toru hotela e te tahi atu â mau fare toa. Ua anihia mai te mau taatai fatata i te reira oire ia tauturu mai.

E PARAUMAUPAHA

Ua fariihia te hoé parau niuniu tei faaite mai e, no te hoé aueueraa fenua i te hoé oire i Albania e mea huru rahi te faufaa i pau, oia hoi na fare pureraa e piti e te mau fare e rave rahi. Ua parau-atoa-hia e rave rahi te taata i pohe aita râ i pâpû maitai.

E POTI TERE ROA

Ua tere te hoé poti uira, e hoé hanare maile i te hora hoé. Na Lord Wakefield taua poti ra, e taata Baratane oia. O Miss England II, te ióa o taua poti ra, e o Kaye Don, te taata i faatere i taua poti ra, e ua riro ia'na te rê.

M. Bonnet M. Gérant et Imprimeur,
Angle des rues Brèa et Dumont d'Urville, Orovini, Papeete.